

十經齋遺集

二

十经斋遗集 一函二册

撰者 沈涛

出版 中国书店

北京琉璃厂西街十八号

印刷 锦营古籍印刷厂

北京大兴

发行 新华书店首都发行所

一九九〇年十一月

ISBN 7—80568—184—8 I·43

定价：30元

九

莊

曲

詞

漁

丙子歲七月
建德周氏刊

九曲漁莊詞卷一

十經齋遺集之三

嘉興西雍沈濤著

疏影

題王井叔

嘉祿

眉奩殘月圖

幽蟾泣露訝殘粧半面涼夜窺戶黯淡明河掩映疏星
空奩獨倚無緒釵蟬零落梳犀冷牕破鏡上天飛舞挂
柳梢一片荒寒除照夢魂來去曾貯香螺十斛倚簾
看瘦影依樣描取又到黃昏可奈今宵贏得者般淒楚
尖風碎鐸郎當甚況更有啼螳如訴恁盼他第二回圓

言一
不是舊時眉嫵

綺羅香

螢

草際光幽籬根燄短寒豔欲招星
妬明滅低徊只在亂莎荒圃乍暉
暉巧入疏簾漸閃閃偷窺朱戶撲
輕羅暗卜歸期殺燈時節已無緒
水天閒話舊事空記雷塘萬斛迷
樓千炬零落而今賸照玉鈎斜路歎
紅銷隋苑當年又綠暗長門幾度
最淒涼月黑空階濕痕飛夜雨
雙瑞蓮

並頭蓮

煙波桃葉渡是誰結同心萬花深處紅情脉脉魂斷采
香兒女只合鴛鴦相傍漫付與汀鷗沙鷺嬌欲語趙家
姊妹含羞凝竚隔浦兩槳雙橈悵訪藕尋蓮歡盟頻
誤斜陽影裏無限浣紗人妬珮解湘皋餘恨且莫趁淩
波微步愁日暮化作斷霞飛去

揚州慢

芍藥

杜宇聲殘棟花風緊惜春春已將離剩梢頭繭栗正過

雨初肥自淮海秦郎去後有情含淚詩好誰題儘狂香
成陣休教蜂蝶輕窺折來有贈記尋芳曾到隋隄奈
壁月簾櫳瓊簫巷陌都付淒迷一覺十年幽恨游仙夢
欲叩靈飛靈飛經有仙人郭芍藥怕花應羞見蕭蕭吟鬢添絲
賣花聲

簾

斜日照庭柯紙閒風和繡屏殘夢已無多燕子喃喃人
寂寂香篆留麼欲近奈飛梭刻襖潛過通詞空自託
微波閒煞雙鈎渾不卷似隔天河

前調

窗

幾扇碧紗輕欲拓還扁綺疏珠網忒瓏玲猶記箇人曾
共倚雙髻吹笙 屈戌鎖春情深護雲屏夜闌常欲背
銀鐙爭奈花痕將月影又上疏櫺

前調

帳

花暖撲春雲合貯春人流蘇四角覆初勻聽得玉鉤聲
乍放無限銷魂 夢蝶往來頻飛度無痕日高底事尙

橫陳一任檀郎偷揭起未肯回身

前調

枕

獨上合歡床淚濕鴛鴦鬢雲斜彈水晶雙分與夜來香
一半半夜來香 敬聽雨聲涼數徧更長溫柔終勝白
雲鄉舊夢重尋歡一晌也抵黃梁

瑞鶴仙

玉簪花

晚涼庭院靜愛一叢寒玉娟娟清影殘粧繡簾凭正羅

襦半解翠鬟慵整采香誰贈漢宮秋
湘皋珮冷洗鉛華
入道偏宜恰稱箇人風韻
重省石邊磨折枕畔閒拋
幾番幽恨西風夢醒珠淚滴露華凝
怕冰魂飛去鬢
雲斜插低傍搔頭細認更么蟾偷上花梢照伊度損

龍山會

菊饅

餉出深閨伴滴粉搓酥巧綴金英片
霜前橫白雁都城
勝遺錄夢梁曾見
乾淳歲時記都人
九日以菊饅相饒
一笑問劉郎可詩
膽入秋還健看尊前萸觴乍熟棗資同薦
題來猶記

言一
分曹零落今番向夕餐誰勸歲華休怨晚登高會佳讖
兒時堪羨九日以片鱸搭小兒頭祝曰百事皆高亦見歲時記無分啖紅綾殘牙
齒慵陪高宴謾年年吹香嚼蕊野情空戀

醉太平

歌者陳郎小影

窺人似嗔依人似親鐙前月下黃昏喚櫻桃一聲真
身幻身蘭因絮因酒痕香影分明隔蓬山幾層

摸魚兒

男女有私情不遂同縊者賦此弔之

可憐蟲雄蜂雌蝶纏綿直恁如許海枯石爛三生約畢
竟恨天難補教認取看畢命朱絲也結同心侶鶻聲似
訴賸幾點零星一丸冷月留照夜臺聚 歡盟短草草
銀灣幾度汝南偷嫁真誤懊農樂府空惆悵腸斷華
山畿路攜手去算今古閒情總付癡兒女魂歸甚處
長短橋邊鴛鴦塚畔添爾一坏土 鴛鴦塚在西湖乾隆
五十四年事長橋月
短橋月宋王生
陶師故事也

甘州

送介甫之官灤州

記年時風雪偃貂裘尋箭踏盧龍歎邊關蕭瑟笳催鬢
白草怨心紅何事微雲佳壻捧檄塞垣東莫漫輕游徼
射虎才雄絕好詞場青兕算短衣躍馬也忒匆匆聽
鐵簫銅笛哨徧萬山空送君行滿花香裏悵一尊誰共
酌西風扶殘醉徧涼汀畔更唱憐儂

徧涼汀灤河勝處也

前調

觀蓮節招同人集蓮亭坐中袖石介甫離此三
年矣

向萬花多處盍朋簪吟醉夕陽天自詞壇冷落鷗閒鷺

靜總怨盟寒俊侶依然三五同凭曲闌干涼煞尋詩夢
都化湖煙十里闌紅搖碧盪娛光渺渺豔思綿綿正
笙歌乍歇低唱石湖仙客何來對花狂舞道花間少箇
采香船垂楊外嫣然多麗解佩誰邊

前調

和袖石蓮亭秋晚寫望感懷之作

占陂塘四面敞虛櫺野水繞三分看曲闌干外枯蘆瑟
瑟做盡秋聲誰道軟紅塵裏有此好林亭竟日漁樵狎
挂笏閒吟猶記田田萬頃蕩冷香一片飛上詩襟縱

紅銷翠減幽曠足怡情愛清娛放衙須早步林泉攜手
幾詞人渾難忘仄五湖煙艇舊日鷗盟

霜葉飛

題介甫霜林覓句圖 周清真霧迷衰草圖譜
以爲起韻詞律以爲非韻然夢窗之斷煙離緒
玉田之故園空杳繡屏閒了二闋亦皆是韻則
此闋首語自當以四字爲句用韻惟圖譜以下
句爲九字亦非蓋三字六字耳此調前半闋橋
字用平聲後半闋六字易五字皆從玉田體

自攜茶具披風帽支筇秋最深處冷楓十里澹斜陽正
好尋煙語笑指點江南村路紅情多在銷魂樹寫無限
荒寒也絕勝殘年灞橋風雪吟侶 十載破帽疲驢西
風無恙打頭黃葉如雨 中仙樂府已漂零更暗移宮羽
渾減字偷聲漫與未應輸了崔郎句早暝色催人一抹
微雲亂鴉歸去

暗香

水仙

一叢冰萼有清泉白石靈根孤託綽約仙姿縞袂相逢